

MY BIBLE FIRST

PRIMARY YEAR A
Q 4 #42

"Aneuno" Sittelnate

SUNDAY

1 Pasion in Gideon pen a gilo atatsia Midian mite kiang panin Israel mite a honkhia dingin sam hi. Amah in Gideon ngetna dawngin tuumul bek kawtsak in akiim a leitung a keusak hi. Ahih hangin, Gideon in lim dangkhat ngenkik hi. Tuumul keu in a kiim a leitung a kawt nadingin ngen hi. A zingsang ciang a et ciangin, bang piang hiam? **Thukhente 6:40.**

Tu-in Gideon in muanlahna nei nawnlo hi. Amah in bang hih hiam? **Thukhente 7:1.**


Israel mite mual tungah giahphual sat uh a, Midian mite in amau nuaiah mun zaangna ah giahphual sat uh hi. Gideon in a galte a et laitak-in, ze-etna tuak in lungkia mai thei hi. A galte uh amau sangin tam zaw tham hi. Ahih hangin, Pasion ahi, amah ompih dingin lim alakpa, muan dingin teel zaw hi.

Tua ciangin Pasion in hopih hi. Gideon tungah bang gen hiam? **Aneu 2.**

Gideon in azak thu pen uphak sa mahmah hi. Galkap tamlua? Amah in a tulsawm lom in kibehlap leh utlai ding hi. Pasion in banghang tamlua ci hi ding hiam?

Tua ciangin Pasion in Moses tungah apiak zuih ding thukhun Gideon phawksakkik hi. Tua in, Israel mite kua tengin galsim in kuateng innciahkik ding hiam cih ahi hi. Hih thukhun pen Israel mite in galdo ding akuan ma simin a kizang thukhun hi. Ahih hangin Gideon in tua zanglo hi. Amah in agalte' galkapte tawh tehna in galkap tawmcik bek nei ahih manin, amah in a galkapte kuamah pai khia nuam lo hi.

Ahah hangin, tu-in Pasion in hopih a, Gideon in



KAMNGAH

'Thahatna hi lo, vangliatna zong hi loin keima Kha hang ahi hi,' Thahatpen TOPA in ci hi. **Zechariah 4:6.**

"Not by might nor by power, but by My Spirit," says the Lord of hosts. Zechariah 4:6.

thu aman' kul hi. Thu aman ciangin bang piang hiam? **Aneu 3.**

A galkapte seh thum suah seh nih bang avante uh la-in aciah kik ciangin Gideon dah mahmah hi. Israel mite in hih galdo na zo dingin banghangin ki ngaihsun uh hiam? Khaivei, Gideon in a teel kik hong kul leuleu hi. Pasion muang suak ding maw, ahikhkeh galte tungah ki ap ding? Koi a teel zaw ding hiam?

NGAIHSUN-IN: *Naupangte in Gideon bangin teel a kul ding hiam? Khatveivei ciangin thuman gen ding haksa kisa thei hilo hiam? Ahikhkeh kuamah in thuman a teel loh hang, thuman ahik nakleh sep ding hilo hiam?*

MONDAY

2 Gideon tawh galkap mi tulsawm om uh hi. A tam tawh kibang hi, ahah hangin Gideon adingin tam hetlo hi. Zingciang in Pasion in na lam-dang a bawl keileh, galte zawh nading lampi omlo hi cih pen thei hi.

Pasion in hopihkik hi. Tu a pen ah bang gen hiam? **Thukhente 7:4.**


Gideon in Pasion muanding leh a thu man ding teel

zaw hi. Tua ciangin lui tuiluang ensuk-in, a galkapte lui ah pai dingin thupia hi. Pasion in galkapte kuate omsuak in, kuate inn ciahkik ding cih a khentel theih nadingin gen hi. **Aneu 5.**

A galkap tulsawmte tuidawn laitak Gideon in limtak-in en hi. Khen nih a khen ding pen lamdangsa mai thei hi. A vekpi un ciah kha mai tammaw ci hi, banghang hiam cihleh a tamzaw khukdin in tuidawn ding in kithawi ngeingai uh hi. Mi tawmcik bek in akhut uh tawh suakin tui nawhsa takin dawn uh hi, banghang hiamcih leh amaute in galte a do dingin kigin kul hi.

A tawpna galkapte'n a dawn khit ciangin, Pasion in adangte tawh tuamkoih ding a sawlteng teelkhia hi. Galkap tulsawm lakpan mi bangzah cianlai hiam? Pasion in amau tawh kisai bang gen hiam? **Aneu 6, 7.**

Tu-in galkap khempeuh van kithawi in aciah tawh kibang liang hi. Galkap zathum bek cian lai hi. Gideon in mualdawn ah kah to-in a galte a etsuk ciangin, amah in bang mu hiam? **Aneu 12.**

 **NGAIHSUN-IN:** *Gideon in Pasion teel khalo hi leh amah in bangteng hih nuam dingin na um mawh hiam? Pasion in i lau laitak nangawn in bang hong sinsak nuam hiam?*


TUESDAY

3 A zingciangin a galte Midian mite do dingin galkap 300 bek tawh a zawh ding pen uphaksa mahmah hi. A piangthei ngeilo ding tawh ki bang hi.

Gideon ngaihsutna-teng Pasion in thei dingin na um hiam? He, thei mah hi. Amah a lungnuam lo mahmah hi. Tua ciangin Gideon bang hih dingin sawl hiam? **Thukhente 7:9-11.**


Gideon leh a nasempa daitak in mual pan hong tuaksuk uh hi. A galte giahphual ah vantung mi in makaih kha ding hi. Amaute in agalte' kihona aw za hi. Amaute in kamkhat zong nusia loin hong ngai sim hi. **Aneu 13, 14.**

Moh phel khatin galkap bup khempeuh siasak hi.



Thakhat-in, Gideon in bangmah lau ding ahih loh lam hong thei hi. Pasion vangliatna, a lamdanna leh a migit na daitak in lungdam a ko hi. Tua ciangin amah leh a nasempa mual tungah daitak leh nawhtak in hong pai kik uh hi. **Aneu 15.**


Pasion in Gideon sep dingte abanban in gen hi. Tua ciangin, a galkap 300te hong phong hi. Amah in Pasion gen bangin mimal kim, khat tek apiak khit ciangin amaute in hihtawh banghih ding ci-in lungmang mai



© sweetpublishing.com; License—<http://creativecommons.org/licenses/by-sa/3.0/>

thei uh hi. Amah in amaute bang pia hiam? **Aneu16.**

Galkap khat tek in beel sungah meivak khut khat ah tawi in, a langkhat ah pengkul atawi hi. Galte simdingin tua bangin apai, kuan za ngei ding ahi hiam? Pasion in a kamciam om bangin banghih hiam?

 **NGAIHSUN-IN:** *Tu-in Gideon leh a galkapte in Pasion in hong kem dinghi cih pen thei ta uh hi. Amaute lungkham kul nawn lo hi. Pasion in vai khempeuh hong tonpih ding hi, ci-in muang peuh lecin, nang zong lungkham ding om lo hilo ahi hiam?*

WEDNESDAY

4 Zankim laitak in Gideon leh a galkap 300te mualdawn ah diingin, galdo dingin ngak uh hi. A galte amau giahphual mualbul ah ihmu uh hi. Gideon galkap khempeuh in akhut khat ah beel sunga meivak leh a khut langkhat ah pengkul tawi ciat uh hi.

Mikhempeuh in Gideon gen bangin kidawm takin thungai uh hi. Ama gen banglian in sepding thei uh hi.

Thukhente 7:17, 18.

Tua ciangin Gideon leh agalkapte daitak-in mualdawn pan hong tuaksuk uh hi. A galte uh galvil a kilaih khit laitak hi a, ahih hangin Israel galkapte in agalte buluh dingin a kithawi laitakin mun khempeuh dai- khipkhep hi. A sim dingin a mansa in om uh hi.

Gideon in pengkul amut lian leh adang tengin zong mut lian hi. Tua ciangin a beel uh zong sukham uh

hi. A tawi uh meivak khu pen hong kuang in, amaute galte lam ah hong tai uh hi. Amaute in, “Topa ading leh Gideon ading namsau khat!” ci-in awng uh hi.

Aneu 19, 20.

A ihmu a galte a thawh uh ciangin lau mahmah uh hi. Amau adingin mun khempeuh ah Gideon leh a galkapte meivak le pengkul tawh kidim in a awng bangin mu uh hi. A galte in khualmial sung munciteng ah taitek gawp uh a, a phutkhak peuhpeuh a that uh hi, banghang hiam cihleh aphutkhak khempeuh Israel mite asa uh hi. A tawpna ah, a nungta laiteng Jordan gun kantan dingin a hih theih zah un, nawh tak-in taai uh hi.

Aneu 21, 22.



NGAIHSUN-IN:

Pasian adingin a baksa bangmah omlo hi cih hong lak kik hilo ahi hiam? Tuni i Pasian a beisa hunlai mah bangin a thabat lai hiam? Tua hangin na lung a dam hiam?

THURSDAY

5 Gideon in a galsimna ah Pasian in a zawhpih-na thu, inn ah a ciahkik Israel galkapte in manlang takin a za uh hi. Amaute hong kilehkik in, a sawt loin a tul lom pha uh a, a galte nungdelh khawm uh hi.

Midian mite in Jordan Gun kantan in gungal ah a paisawm lam Gideon in thei hi. Amaute in tui a daina lamah taai-in kantan uh hi. Pawlkhatte in gungal akan khin zong om hi. Tua ciangin Gideon in bang hih hiam? **Thukhente 7:24.**

Ephraim mite in Jordan Gun kantan a, a taai sawm Midian mi khempeuh ahun lap in hong pha uh hi.

Tua ni-in gal a lelh khit uh ciangin, Midian mite tawh kisai Lai Siangtho in bang hong gen hiam? **Thukhente 8:28.**

Gim lah gim, nuam lah nuam cih bangin na om kha ngei hiam? Gideon leh a galkap 300te in tua bangin om uh hi. Tua bek hilo, a gil uh zong kial hi. Ahih hangin, a tamzaw pen nuam mahmah uh hi.

Israel gam in a gilo a tatsia Midian mite' bawlsiatna panin kum bangzah sung daihna ngah cih na phawk kha hiam? **Aneu 28.**



NGAIHSUN-IN: *Khatvei lai, Pasian in mite adingin nalamdang bawlkik hi. Amaute in mangngilh dingin na um hiam? Pasian in nisim in thupha*

tampi hong pia hi cih na ngaihsun ngei hiam? Pawlkhat gen khia in. Thupha hong piakte hangin lungdam koh ding na phawk hiam?

FRIDAY

6 Eite in Gideon leh a hangsan galkap 300te' tangthu i za khin hi. A lamdang eite Pasian in amaute zangin, Midian mite a dona zong zaknop i sa hi. Tua migilote thanem mahmah in Israel mite nawngkaisak ngei nawn lo uh hi.



Pasian in galkap 300 bek teel in adang-teng inn ah a ciahkiksakna thute tu-in ngaih-sunkik ni. Ama' hih-dante lamdang hilo hiam? Galkapte tuidawanna tawh kizui in eite bang hong hilh hiam? Galkap pawl nihte kilamdanna in bang hiding hiam?

Eite in neucik khat i hihna, i pauna, i sepkhiat nate in eite thu gen hilo hiam?

Thu neu khat in Gideon galkapte' thu tampi hong gen hilo hiam? Thuneu khat in eite thu zong tampi hong gen hi. **Luke 16:10.** I gol ciangin bangci mi ding cih hong hilh khol hi. Jesu in eite lungdam


dingin hong deih a, i nulepa in zong hong deih hi. Nisim in amaute in eite sinna ah hong panpih uh hi.



NGAIHSUN-IN: *Nuntak pih ding thuboih bangteng sin ka hiam....*

- *Zingsang hong kiphot ciangin ka tho pah hiam?*
- *Midangte phu, sawnin a masapen ka hanciam hiam?*
- *Phun lo, khuisa loin inn nasep hohtak ka sem hiam?*
- *Thu neuno ah zuau gen loh ding ka teel hiam? (Zuau phuabna a neuno cih bang a om takpi hiam?)*
- *Midang khat peuh ading in annex khit ciangin a nek ding singgah khat peuhpeuh ka sitsak hiam?*
- *Kuamah in hong sawl loh hangin sep ding tuamtuan a omte ka sem hiam?*
- *Ka vante tawmin amun ah hohtak ka koibkik hiam?*
- *Lungnem in migi ding cih ka phawk tawntung hiam?*
- *Aw khum tawh midangte ho ding ka teel hiam? Adang na ngaihsutkhak a om hiam?*

FURTHER STUDY: Judges 7; *Patriarchs and Prophets*, pp. 548–559; *The Bible Story*, vol. 3, pp. 121–123.



THE STORY CORNER

Davy a Huihut Dan - khen 1

Adapted by Amy Sherrard

Davy pen a sam san, amai ah avom om siuhseuh naupang khat hi a, a nu in a meltheih Uncle Toby tawh nusia in sihsan hi. Uncle Toby in khedap sai ah semin, khedap phop hi. Amah pen zawng napi, Davy tungah cingh in thunuum a, a hihtheih bangin a neihsate sitlo in hawmkhawm uh hi.



Davy nu a sih ma-in, tamvei pi gen hi, “Davy aw, na nu nong huh nop leh tamveipi huihut, huihut tawntung in,” ci hi. A nu a sih madeuh in, “Davy aw Jesu kiangah thuman ding leh hoih nading na nget tawntung a, tamveipi na huihut leh lungdamna hong piang ding hi na lamet sangin na lungdam zaw

ding hi,” ci hi. Tua ahih manin, Davy zong, a lungsim a nat mahmah hang huihut tum hi.

Sabbath ni ciangin, Uncle Toby in “Davy aw tu-in pai inla, Sabbath school ah kikhawm in,” ci hi. Davy in puanhoih nei loin, sumpi khat ding zong a nei loh hangin, Sabbath school a pai khak a lungdam mahmah a, Sabbath school nuamsa hi.

Sabbath ni khat, kikhop khit ciang, Uncle Toby sai ah hong ciah ciangin Davy in ngaihsut khat nei hi. A kahpih lawmte in 13th Sabbath sumpi pua ding hi, kei zong sum tawmkhat tua ni ciang neizo leng ut sam ing ei maw,” hong ci hi.

Monday ni ciangin, Davy in Uncle Toby kiangah sangtuak ciangin sum ka thalawh thei ding hiam, acih leh Uncle Toby in, “na ut leh thalawh o,” ci hi.

Sang a tuak ciangin, Davy in mi khat khit khat kiangah huhna kisam na om uh hiam, ci-in dong hi. Ahih hangin, amaute in nasem ka nei khin uh hi ci tek uh hi. “Mi ka muh peuhpeuh kiangah innphiat ding, kuangsawp ding, sawl tangzang ding leh nong sawl bangbang ka sem zo ding hi” ci ning ci-in hong khensat hi.



Tua zom ah, Miss Darrow, amah ahuh nasem khat tawh leisek taihinn golpi khat sungah amau bek a teeng hi. Amah in biakinnte, Pasian nasemte a diakin pasalte a mudah lam Davy in thei lo hi. Ama theih in 13th Sabbath ading sum thalawh ding cihbek hi.

“Hehpihna tawh, nasep nong guan thei diam, Miss? Sum tawmcik ka thalawh kul hi” ci-in aw nem tawh Miss Darrow kiangah hong dong hi.

Miss Darrow in aw khauh tawh gen in, “Sum, Sum, Sum. Tuhun ciangin mi khempeuh in sum kisam hi. Mi khatpeuh in kei hau hi, ci a hong gen kha om hi ding hi. Ken sum ka mawkpiaik ngei kei hi; adiak in naupang khutdawnhngente,” hong ci hi.

Davy in “Kei khutdawnhngene ka hikei hi, sum tawm khat a thalawh nuam hi’ng” ci hi.

“Tualeh sum nei hi lecin tua tawh bang hih ding na hiam?” ci-in Miss Darrow in dongkik hi.

“Ken __ tawm khat ka pia nuam hi” ci-in Davy in a gen kician sak lo-in pau hi. Amah in lau hi.

“Ong gen in, Kua sum pia nuam na hiam? Ci-in dong a, Miss Darrow in a mitte hong suok laplap hi.

Davy zong lau in taimang nuam hi.

“Topa tungah ka pia nuam hi” ci-in Davy taikhia takpi hi.

“Kua tungah e? Amin na gen za keng” ci-in Miss Darrow in sam kik hi. Ahih hangin, Davy pai khia khin ta hi. (Zop lai ding)

Additional resources: nature lessons, activities, music, Bible lessons, Scripture memory, and more.

My Bible First Copyright © 2015

Phone: 1-877-242-5317

Web: www.mybiblefirst.org • **E-mail:** sales@mybiblefirst.org

Unless otherwise noted, Scripture quotations are from the NKJV.